



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Oratio IX. Oratio de magnis priuilegijs beatissimæ Mariæ Magdalenæ.

[urn:nbn:de:hbz:466:1-45790](#)

fragis. Vale gloriose ac semper honorade Apostole Thoma: im-
petra gratiam seruis tuis, & in aduentu districti iudicis asta fide-
liter iudicandis, cum interuentu piæ Dei genitricis Mariæ vir-
ginis, cuius fructus ventris æternaliter sit benedictus. Amen.

Collecta.

7. **D**eus, qui B. Thomæ Apostolo tuo, post resurrectionem tuâ
apparuisti, & ei vulnerum tuorum cicatrices ad palpâdum
præbere dignatus es: concede nobis, gloriosis eius meritis & preci-
bus, fidem rectam firmiter tenere, atque passionis tuę sacra stig-
mata in mente iugiter portare: quatenus tua sancta vestigia se-
quendo, ad resurrectionis gloriam peruenire mereatur. Qui viuis
& regnas Deus.

Collecta.

8. **D**omine Iesu Christe, illuminator mundi, & dator vitæ æ-
ternæ: qui B. Thomæ Apostolo, ac dilecto discipulo tuo,
in cœna respondisti: Ego sum via, veritas, & vita: da nobis eiusdem
sanctissimi Apostoli tui interuenientibus meritis, per humanita-
tis tuæ humilitatem, ad diuinitatis ascendere maiestatem: nec
non caelestis mensæ in regno tuo participes effici. Qui viuis &
regnas Deus, per omnia secula seculorum. Amen.

Collecta.

9. **D**eus, qui B. Thomam Apostolum tuum, ad prædicandum
gentibus fidem, ad Indiam longè transmisisti, & multorū
miraculorum gloria ipsum sublimasti: da cunctis fidelibus tuis,
suffragia eius implorantibus, ut in fide intueniantur stabiles, & in
opere efficaces. Per Christum Dominum nostrum. Amen.

ORATIO IX.

Oratio de magnis priuilegijs beatissima Marie Magdalena.

1. **S**alue beatissima Maria Magdalena, à Christo præelecta &
vocata, multis ac magnis diuinæ familiaritatis priuilegijs
sublimata. Te veneror & collaudo, te humiliter inuoco & exo-
ro, te affectu sincerissime devotionis amplector & amo. Quo-
niam Iesus æternus amor te dilexit plurimum, & ad cœlestis vitæ
traxit fastigiū. Tu es illa nobilis & famosissima Maria Magda-
lena, de qua sacra nobis pandunt Euāgelia, multa pietatis & san-
ctitatis

D d d 4

Etitatis opera. In te peccator spem venia, iustus vunctionem gratiae, apud fontem concipit misericordia. Tu es enim illa quondam nominata peccatrix, sed nunc sancta & millies felix: quia repente de celo respexit Dominus, & altissimus dedit vocem suam, immutando tibi cor alendi, ut contrita & humiliata venires ad poenitentiam: iustificata vero & consolata, redires cum pace in domum tuam: nec iam ultra esse peccatrix, sed ardenter amatrix Iesu Christi. Tu es igitur illa sancta Maria poenitens & lachrymosa femina, que pedes Domini lachrymis inundantibus rigasti, capillis tersisti, crebris osculis strinxisti, preciosoque vnguento vnxisti: tot offerens Deo holocausta, quot prius habuisti vite delectamenta. Accepit benignissimus Dominus tua gratarter poenitentiam, dicens: Remittuntur tibi peccata tua: & Fides tua te saluam fecit, vade in pace. O dulcissimum & pietissimum verbum, fiducia & gratia plenum, omnibus peccatoribus adoptandum! O celestem medicum, misericordem, compatientem, & humilem! qui cum sit omnium altissimus & sanctissimus, non est tamen designatus tangi peccatricis manibus. Gaudet igitur beatissima Maria, pro tam copiosa Dei clementia. Ora pro peccatis meis, & pro omnibus qui peccatorum foueam incidimus: ut diuina misericordia, te interueniente, non solum nos in ore Leviathan ire prohibeat, sed ab ore eius etiam redire concedat.

2. O Maria tu es illa religiosa & benedicta femina, qua Dominum secuta es per ciuitates & castella, ministrando ei de facultatibus tuis, qui erat omnium rerum creator & dator. Vnde ipsum aliquando hospitio suscepisti, cum venerabili sorore tua Martha. Quae cum sollicita esset in ministrando, de otio tuo conqueri cepit. Sed Dominus pro te respondit, sicut sapius faciebat, plus recommendans tuum otium, quam Marthae negotium. Maria (inquit) optimam partem elegit, qua non auferetur ab ea. Rogo iam te, o felix & celestis Maria, fac me huius optimae partis participem: ut post hanc laboriosam vitam, perveniam ad aeternae contemplationis quietem. O Maria, tu es illa deliciosa & charissima Lazari soror, quem a mortuis resuscitauit Dominus & saluator noster. Ibi namque pius Dominus, tuis lachrymosis precibus, sororisque tuae anxijs querimonijs, in tantum compasius est, ut lachrymas funderet: ostendens, quam vere nobis in sua humanitate coniunctus esset. Quæso te pietissima Maria, Christo familiaris & dilecta, esto mihi supplex exoratrix pro gratia, quæ est animæ vita: ut in ea viuere & mori merear, ac in futura resurrectionis gloria cum Sanctis resuscitari.

3. O



3. O Maria, tu es illa odorifera vnguentaria, quæ in domo Simonis leprosi vnxisti secunda iam vice pedes Domini Iesu, & solita deuotione liberior effecta, super caput recumbentis preciosum vnguentum largius effudisti. Tunc impleta est domus ex odore vnguenti: sed & nunc quotidie impletur, ex virtutis tuæ fragrantia tota Ecclesia Dei. Vtinam & ego indignus peccator, tam sancti & miri odoris liquore, in interiori thalamo cordis, ad modicum perungi merear: quatenus omnis foetor vitiorum expellatur, & virtutum suauitas in me meritis tuis accendatur. O Maria, tu es illa infatigabilis imitatrix passionis Christi; quæ Dominum baiulantem sibi crucem à longè secuta es per portam Hierusalem, dolens & moerens nimis, propter ipsius ignominiosam mortem, quæ nullius culpæ habuit maculam: nec non propter benedictæ matris eius doloris vehementiam. O quam libenter illam crucem portasse post Iesum, si admissa fuisses! Veruntamen iam in cruce suspenso astitisti cum matre eius, & discipulo dilecto. Tandem eo sepulto, noua tristitia orta est in corde tuo. O quantus luctus omnium amicorum Christi, quanta præcipue lamenta sanctorum mulierum! Illæ tamen plus omnibus fleuerunt, quæ præ cæteris cordialiùs amauerunt, scilicet Maria mater Domini, & Maria Magdalena.

4. Quis mihi peccatori arido ligno, fontem det lachrymarū: ut plangam saltem vna hora diei, passionem Domini mei Iesu Christi, cum Maria Magdalena, deuotis & amorosis lachrymis plena. O Maria audi vota mea etiam hac vice, ut discam tecum lachrymari. O sancta & præfulgida Maria, tu es illa feruētissima visitatrix sepulchri Domini: quæ valde manè ante solis ortum, cum aromatibus ad monumentum venisti. Ibi sanctos Angelos dominice resurrectionis testes vidisti. Sed parum tibi fuit Angelos videre, nisi & Angelorum Dominum videres. Propterea foris ad monumentum stabas, & plorabas, quia ablatum putabas. Iterum te inclinabas, & introspiciebas: quia amanti non sufficiebat semel quæfisse. Sed ô Maria nolidiutius flere, ecce surrexit auctoritæ, & tu eris nuntia tantæ gloriae. Quod & ita factum credimus, & Deum in te glorificamus. Surgens enim Iesus manè prima sabbati, primò apparuit tibi, & tu cæteris gloriam resurrectionis eius nuntiasti. Facta es ergo apostolorum apostola, & inter tres feminas illustrior & prima. Nunc humiliter vestigijs tuis prostratus peto, ut intercedas pro me, & pro omnibus te diligenterib; & venerantibus, tibi congaudentibus de donis & priuilegijs tuis: quibus Dominus & Salvator noster, mirificè te glorificauit, benedixit, & exultauit. O felix Maria, ô pia patrona, memento mei in hac hora, & in separatione ^{v'ima} _{quæ}.

Collecta.

S. D Eus, qui B. Mariæ Magdalenæ pœnitentiā clementer suscepisti: & ei post peccatorum veniam, gratiam tuā copiosius infudisti; tribue nobis, eius intercessione, mala nostra distriktè plangere, & post planctum spe veniae respirare, ac aternæ vite perceptione lætari. Qui viuis & regnas Deus.

O R A T I O X.

Oratio de virtutibus & moribus nobilissime virginis Agnetis.

I. G Aude Agnes virgo Christi, quæ in mundo dū fuisti, Iesum dilexisti. Gaude Agnes virgo mitis, quæ moribus redimitis Deo placuisti. Gaude Agnes gemma castitatis, quæ candorem tuæ puritatis nunquam amisisti. Gaude Agnes pulchra facie, quæ à nulla mundi specie vinci potuisti. Gaude Agnes rosa speciosa, quæ accepta morte preciosa cælos concendiſti. O piissima & dulcissima Agnes, pietati tuæ intimè supplico, charitati tuæ me integrè trado, orationibus tuis me deuotè commendo. Exaudi seruum tuum ad te clamantem, tibi seruire cupientem, tuis laudibus insistentem, & te sincerissimo corde diligenter. In te inuenio, quod amo: in te cerno, quod cupio: in te lego, quod stupeo: in te considero, quod laudo. Tu speculum castitatis: Tu decor virginitatis: Tu splendor fidei: Tu ornamentum domus Dei: Tu Angelorum gloria, nobis exemplum sanctimonie. Tu amatrix deuotorum, gubernatrix viatorum, nutrix infirmorum, effugatrix vitiorum, suscitatrix tepidorum. Tu Apostolorū filia: Tu Martyrum socia: Tu confessorum amica: Tu virginum soror: Tu vi duarum honor: tu continentium patrona.

2. O virgo mitis, humilis, & deuota. O virgo prudens, innocens, & casta. O virgo præclara, cuncta despiciens terrena, quasi stercore. Non aurum, non diuitias, non possessiones, non familias, non nuptias seu qualibet delicias attendisti; sed amorem Christi omnibus, quæ in mundo sunt, præposuisti. Igitur facta es Christo nimis chara, & eius sponsa à cunabulis consecrata. Nobili etiam ex genere Rómanorum, sed nobilior fide & pudicitia splenduisti. Fecit tandem amor Christi immensus, ut pro ipso subires ignem & ensēm. Dulce & optabile tibi fuit pro Christo mori: quia tuā animam prestatabant Angeli sancti, ut eam perferrent ad gaudia paradisi. Cum palma igitur decorata Martyrum thalamum es ingressa cælestis sponsi. Quem quæso pro

me

